

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

6. Martis currus; Symbolum est iracundi.

[urn:nbn:de:hbz:466:1-68709](#)

*iis exempli nascitur emendatio. Pingitur Mars armis horridus, acinacem
manu rotans, cum lemmate: fortiter, sed cuncte:*

Hic licet infestis nusquam penetrabilis armis
Securus propria conditio Deus:
At caput Ætnæ munit, pectusque metallo,
Ceu mortem impavidus terreat, ac paveat.
Consilium cauto Princeps à Principe sume:
Sint tibi cuncta licet prospera, cuncta time.

Neque verò prudentiâ tantum opus est in bello inchoando, sed etiam, & vel maximè in gerendo: cuius rei symbolum est Capricornus, signum cœleste superiore parte Hircum aut Caprum, posteriore pisces referens, cum hoc carmine:

Addita sideribus radiantia cornua tollit
Squamigero constans Pisces, Caprōque Fera.
Iras fronte gerit, cauda fluitantē timorem,
Anterior terret, posteriorque fugit.
Hoc Ducas officium, pugnax ut cornua sumat,
Et simulare sciat lubricus arte fugam.

(i) Sed tamen etiam Martiali currui laxandæ non rarò habentæ. Nam juxta Poëtam: *Martis equi ante Notos, Zephyrumque volant. Quid hinc significatur?* Celeritate opus esse in bello. Philosophi Romani effatum est: una rebus salus est, occurrere ad primos rerum impetus. Alexander Macedo festinatione vincebat; qui rogatus, qua ratione tantum sibi imperium tam brevi tempore comparasset, respondisse fertur: *nihil differendo.* C. Julius Cæsar Dictator, ut scribit Suetonius, Pontico triumpho inter pompæ fercula, trium verborum prætulit titulum: VENI, VIDI, VICI. Statius Martis currui etiam *Famam* volantem adjunxit: nam bella constant celeritate, & famam. Sæpe quod falsò creditum est, veri vicem obtinuit, inquit Curtius. Et Livius lib. 27. Famam bellum conficit, & parva momenta in spem, metumque impellunt. Accedit Tacitus: *Fama in novis cœptis validissima est: primisque eventibus metus aut fiducia gignitur.*

VI. (k) Quidam per Martem, designant hominem iracundum, & impotem animi. Mars enim instar furibundi à Poëtis pingitur. Et quid est ira, nisi furor brevis? Mars celeri currui rapitur; nulla stabilitas in animo iracundo; ex uno affectu in alium revolvitur. *Præcordia fatui quasi rota carri, & quasi axis versatilis cogitatus illius,* inquit Eecle-

F f f f 3

siasti-

(i) *Celeritas in bello, (k) Martis currus imago hominis iracundæ.*

ſiasticus c. 33. Ex confuso & turbido corde ſimiles cogitationes prodeunt. Quid auribus eſt ingratius ſtridente currū ſrotā? quid iracundi clamoribus magis abſonum, aut inconditum? Et quales ſunt rotæ currū hujus? indomitæ perturbationes, feroces & præcipites impetus, quibus animus in vindictam impellitur. Verè Ifaias: *Rota ejus, quaſi impetus tempeſtatis.* c. 5. In tempeſtate, quod eſt horror & caligo; hoc ſunt in iracundo, offuſæ menti tenebrae: quoſ in illa ſunt tonitrua; hoc, in iſto vociferationes & convitia: quoſ in illa, fulmina; hoc in iſto minæ & intentata verbera: quoſ in illa ventorum conſlictus; hoc, in iſto contrariorum affectuum tumultus: quoſ in illa fluctus, procellæ, naufragia; hoc in iſto ſunt totius corporis jactationes, & fœda prefertim oſis ipumantis, facies, & valetudinis ac honestatis extrema labes. Mars ma- nu vibrat haſtam; iracundus vindictam, nullo diſcrimine iuſti vel iuſti.

VII. (l) Adulterium Martis, à Vulcano deprehensi & nexibus vinciti, notiſſima res Poëtiſ est; Ovidius;

Mars quoque deprehendit fabrilia vincula ſenſit:

Notior in cœlo fabula nulla fuit.

De hoc figmento eleganter & caſtè Furius Publicus Fulgentius E- píscopus lib. 2. Mytholog. ſcribit in hæc verba: Venus Marti concubuit; Sol eos Vulcano prodiſit; hic catenas adamantinas excogitavit, quibus adulteros vinciret. Venus in doloris vindictam, quinque Solis filias amoribus ſuccedit. *Pasiphaēn, Medeam* (non illam Colchidem, Jasonis uxorem) *Phœdram, Circeen, & Dirceen.* Hæc igitur amorum dea, quinque Solis filias, id eſt, quinque humanos ſenſus, luci ac ve- ritati deditos, quaſi Solis foetus, hac corruptela muſcat. Unde illis no- mina. *Primam Pasiphaēn* nempe omnibus apparentem, id eſt, *Viſum* vocārunt. *Secundam Medeam*, quaſi *Auditum*, hoc eſt, *under ſtear*, nullam viſionem. *Tertiā Circen*, id eſt, *Tactum*, quaſi dicerent *χει- γεων κειτην*, manuum judicium. *Quartam Phœdram, Odoratum*, Græcē *Φέρων ηθην*, ferens ſuavitatem. *Quintam Dirceen*, Saporis indicem, quaſi *Θεορείν*, acrè judicans. Quinque has filias exitiali morbo detentas interiſſe ferunt, quō quid aliud innuitur, quam ſœda libidinis vene- num per ſenſus in animum inſtillari, rursusque ex animo in ſenſum exitium, & totius corporis peſtem redire? Hæc ille vir eruditus & pius, utique alius à S. Fulgentio, qui inter SS. PP. cenſetur. De etymo ha- rum vocum non eſt necelle h̄ic diſputare.

VIII. (m)

(l) Quinque ſenſus ſunt quinque ſolis filias.